

RISALAH PENDEDAHAN PRODUK

RHB Prime VantageLife

Baca Risalah Pendedahan Produk ini sebelum anda membuat keputusan untuk mengambil RHB Prime VantageLife. Pastikan anda juga membaca terma dan syarat am.

1. Apakah produk ini?

Polisi insurans berkaitan pelaburan (ILP) ini menawarkan gabungan perlindungan insurans dan pelaburan. Manfaat akan dibayar secara sekali gus jika Orang yang Diinsuranskan meninggal dunia atau mengalami Hilang Upaya Menyeluruh dan Kekal (HUMK) dalam tempoh polisi.

Nilai dana Insurans Berkaitan Pelaburan ini bergantung pada harga unit dana yang di mana bergantung pada prestasi dana berkaitan pelaburan.

(i) *TokioMarine-Managed Fund*

Dana yang diuruskan secara aktif dan bertujuan untuk memaksimumkan pulangan dalam jangka masa sederhana hingga jangka masa dicapai dengan panjang. Ini dapat melabur dalam saham dan sekuriti pendapatan tetap melalui *TokioMarine-Enterprise Fund, TokioMarine-Bond Fund* dan dalam dana Tokio Marine yang lain atau dana pihak ketiga yang mungkin ditawarkan pada masa hadapan.

Sila rujuk Risalah Fakta Dana untuk mendapatkan maklumat lanjut tentang dana-dana pelaburan.

Polisi ini memberi opsyen Premium Tambahan seperti berikut:

(i) Premium Tambahan Berkala

Satu opsyen yang membolehkan anda menentukan jumlah premium yang akan dibayar dengan kekerapan yang sama seperti premium asas untuk meningkatkan Nilai Dana Pelaburan anda.

(ii) Premium Tambahan Tunggal

Satu opsyen yang membolehkan anda membayar premium tambahan satu kali bagi meningkatkan Nilai Dana Pelaburan anda.

Polisi ini boleh diserahkan pada bila-bila masa selepas ia telah berkuat kuasa. Nilai serahan adalah tidak terjamin dan bergantung pada prestasi dana pelaburan.

2. Apakah perlindungan/ manfaat yang diberikan?

Jumlah yang Diinsuranskan asas bagi pelan ini ialah: RM

Pelan ini memberikan manfaat-manfaat seperti berikut :

(i) Manfaat Kematian/HUMK	<p>Nilai Dana Pelaburan (IFV) dan</p> <p>(a) Jumlah yang Diinsuranskan asas; atau</p> <p>(b) Nilai Dana Perlindungan (PFV)</p> <p>mengikut mana yang lebih tinggi nilainya, tolak dengan sebarang hutang tertunggak kepada kami.</p>
(ii) Manfaat Kematian/HUMK akibat daripada Kemalangan	Tambahan 100% Jumlah yang Diinsuranskan asas.
(iii) Manfaat Kematangan	Nilai Dana Perlindungan (PFV) dan Nilai Dana Pelaburan (IFV).

Catatan:

- Manfaat HUMK akan tertakluk kepada RM 8 juta setiap hayat bagi semua polisi individu di bawah Tokio Marine Life dan henti dibayar pada ulang tahun polisi apabila Orang yang Diinsuranskan mencapai umur 70 tahun.
 - Amaun tambahan yang dibayar apabila berlakunya Kematian akibat Kemalangan atau HUMK akibat Kemalangan akan tertakluk kepada RM 3 juta setiap hayat bagi semua polisi individu di bawah Tokio Marine Life dan tidak akan dibayar pada ulang tahun polisi apabila Orang yang Diinsuranskan mencapai umur 70 tahun.
 - Jika anda membuat sebarang pengeluaran daripada Nilai Dana Perlindungan (PFV) dalam tempoh 12 bulan yang lepas daripada tarikh kematian/HUMK Orang yang Diinsuranskan dan manfaat yang akan dibayar adalah melebihi Nilai Dana Perlindungan (PFV), maka manfaat yang akan dibayar adalah:
 - Jumlah yang Diinsuranskan Asas ditolak dengan amaun pengeluaran yang dibuat pada 12 bulan yang lepas; atau
 - Nilai Dana Perlindungan.
- mengikut mana yang lebih tinggi nilainya. Caj insurans yang telah ditolak berdasarkan amaun yang telah dikeluarkan daripada PFV (jika ada) akan dipulang balik.

Tempoh perlindungan polisi ini ialah 20 tahun melainkan dibatalkan lebih awal.

Dana yang dipilih:

Dana-Dana	Peruntukan Dana (%)
TokioMarine-Managed Fund	100

3. Berapakah premium yang perlu saya bayar?

Jumlah premium yang anda perlu bayar mungkin berbeza bergantung kepada keperluan underait syarikat.

Anggaran jumlah premium yang anda perlu bayar untuk pelan asas ini ialah : < Jumlah Premium >

Tempoh pembayaran premium: 5 tahun.

Kami akan memperuntukan sebahagian daripada premium untuk membeli unit-unit dalam dana(-dana) pelaburan. Sebarang amaun yang tidak diperuntukan akan digunakan untuk membayar komisen kepada wakil jualan dan perbelanjaan kami yang lain. Anda dinasihatkan supaya merujuk kepada kadar peruntukan yang ditunjukkan dalam ilustrasi jualan.

Sila merujuk kepada mukasurat 2 pada Ilustrasi Jualan untuk mendapatkan jumlah premium yang anda perlu bayar bagi polisi ini.

4. Apakah fi dan bayaran yang perlu saya bayar?

- Caj-caj insurans akan ditolak daripada nilai-nilai unit anda setiap bulan. Caj-caj insurans akan meningkat apabila umur anda meningkat.
- Caj polisi bulanan sebanyak RM6.00 (tidak termasuk GST) perlu dibayar pada tarikh polisi berkuatkuasa dan setiap ulang bulan yang berikut ketika polisi masih berkuatkuasa bagi setiap mod pembayaran.
- GST akan dikenakan ke atas manfaat bukan hayat.
- Caj pengurusan dana (% daripada nilai dana setiap tahun)

Dana-Dana	Caj Pengurusan Dana
TokioMarine-Managed Fund	Maksimum sehingga 1.50% setiap tahun daripada Nilai Aset Bersih (NAV)

Catatan:

Maklumat lanjut tentang fi-fi dan caj-caj untuk ILP telah diberikan dalam ilustrasi jualan. Semua fi dan caj adalah tidak dijamin dan akan disemak semula dengan memberi notis bertulis awal sekurang-kurangnya sembilan puluh (90) hari kepada anda. Sebarang semakan yang dibuat hanya akan berkuatkuasa pada Ulang Tahun Polisi yang seterusnya.

5. Apakah antara terma dan syarat utama yang perlu saya tahu?

- Kepentingan pendedahan - anda dikehendaki mendedahkan semua fakta material seperti keadaan kesihatan (jika ada) dan menyatakan umur anda dengan betul.
- Tempoh bertenang - anda boleh membatalkan polisi anda dengan memberi pemberitahuan secara bertulis kepada kami dan memulangkan dokumen polisi dalam tempoh masa 15 hari selepas dokumen polisi dihantar kepada anda. Apabila pembatalan polisi dibuat, kami akan memulangkan jumlah premium yang tidak diperuntukan, Jumlah Nilai Dana pada tarikh penilaian berikut dan sebarang caj insurans dan fi yang telah ditolak, tolak sebarang pembelanjaan yang telah kami tanggung (jika ada) semasa mengeluarkan polisi ini, dan polisi anda akan dibatalkan.
- Jumlah Nilai Dana - jumlah daripada Nilai Dana Perlindungan (PFV) dan Nilai Dana Pelaburan (IFV) di mana nilai-nilainya bergantung kepada prestasi dana pelaburan yang dipilih. Dengan memilih tahap perlindungan insurans yang lebih tinggi, jumlah unit yang akan ditolak untuk membayar caj-caj insurans akan bertambah, ini bermaksud unit yang dikekalkan untuk mengumpul nilai dana akan berkurang di bawah polisi anda.
- Polisi luput - ILP akan luput sekiranya Jaminan Berkuatkuasa henti berkuatkuasa dan Jumlah Nilai Dana Perlindungan tidak mencukupi untuk membayar caj insurans dan caj-caj lain.
- Notis Tuntutan - notis bertulis mesti diberikan kepada kami dalam tempoh 60 hari dari tarikh kematian dan 6 bulan dari tarikh HUMK.
- Penggantian polisi - penggantian polisi anda dengan polisi yang baru mungkin tidak membawa manfaat kepada anda. Sekiranya anda ingin berbuat demikian, kami mencadangkan anda untuk mendapatkan nasihat daripada kami/wakil jualan sebelum membuat keputusan muktamad.

Catatan: Senarai ini tidak lengkap. Sila rujuk polisi kontrak untuk mendapatkan terma dan syarat yang lengkap.

6. Apakah pengecualian utama di bawah polisi ini?

- **Manfaat Kematian**
 - Bunuh diri sama ada siuman atau tidak siuman dalam satu (1) tahun dari Tarikh Dikeluarkan atau Tarikh Pengembalian Semula Polisi, mengikut mana-mana yang kemudian.
- **Manfaat Hilang Upaya Menyeluruh dan Kekal (HUMK)**
 - cubaan membunuh diri (sama ada waras atau tidak waras);
 - kecederaan diri sendiri yang disengajakan atau kecederaan yang dialami semasa berada di bawah pengaruh dadah atau alkohol yang memabukkan;
 - kecederaan yang dialami semasa melibatkan diri dalam kelajuan yang berbahaya atau pertandingan ketahanan;
 - sebarang aktiviti penerbangan (kecuali sebagai penumpang yang membayar tambang atau anak kapal pesawat udara yang dikendalikan oleh Syarikat Penerbangan Antarabangsa dan berlesen untuk perkhidmatan penumpang atas laluan komersial berjadual tetap);
 - pelayaran kapal selam;
 - perkhidmatan tentera, polis, tentera laut atau aeronautik;
 - melanggar undang-undang atau menentang daripada ditahan;
 - sebarang bentuk Hilang Upaya Menyeluruh dan Kekal (HUMK) yang telah wujud pada Tarikh Dikeluarkan atau Tarikh Pengembalian Semula Polisi ini;
 - peperangan yang diisytiharkan atau tidak diisytiharkan, rusuhan dan kekecohan awam, mogok atau aktiviti pengganas; atau
 - keadaan yang sedia ada.
- **Manfaat Kematian/HUMK akibat daripada Kemalangan**
 - sebarang bentuk masalah kesihatan atau penyakit yang disebabkan oleh punca bukan kemalangan;
 - cubaan membunuh diri (sama ada waras atau tidak waras);
 - kecederaan diri yang disengajakan atau kecederaan yang dialami semasa berada di bawah pengaruh dadah atau alkohol yang memabukkan;
 - kecederaan yang dialami semasa melibatkan diri dalam kelajuan yang berbahaya atau pertandingan ketahanan;
 - sebarang aktiviti penerbangan (kecuali sebagai penumpang yang membayar tambang atau sebagai anak kapal pesawat udara yang dikendalikan oleh Syarikat Penerbangan Antarabangsa dan berlesen untuk perkhidmatan penumpang atas laluan komersial berjadual tetap);
 - pelayaran kapal selam;
 - perkhidmatan aeronautik;
 - melanggar undang-undang atau menentang daripada ditahan;
 - mengembalikan ketenteraman awam atau membuat apa-apa tangkapan sebagai pegawai undang-undang;
 - sebarang bentuk hilang upaya dan HUMK yang telah wujud pada Tarikh Dikeluarkan atau Tarikh Pengembalian Semula Polisi ini, mengikut mana yang terkemudian;
 - peperangan sama ada diisytiharkan atau tidak diisytiharkan, mogok, aktiviti pengganas atau penyertaan dalam rusuhan dan kekecohan awam;
 - keadaan yang sedia ada;
 - hernia, jangkitan ptomaina atau bakteria (kecuali jangkitan piogenik yang melalui luka atau kecederaan kemalangan); atau
 - racun, gas, wasap (secara sukarela atau bukan sukarela, tidak disengajakan atau sebaliknya, diambil, diberikan, diserap atau disedut).

Catatan: Senarai adalah tidak lengkap. Sila merujuk kontrak polisi untuk senarai penuh atas pengecualian di bawah polisi ini.

7. Bolehkah saya membatalkan polisi saya?

Membeli ILP premium berkala merupakan satu komitmen kewangan jangka panjang. Anda tidak digalakkan untuk memegang polisi ini untuk tempoh yang singkat memandangkan kos permulaan yang tinggi. Jumlah nilai yang akan kami bayar kepada anda apabila anda membatalkan polisi sebelum kematangan polisi mungkin akan kurang daripada jumlah premium yang telah anda bayar melainkan dana(-dana) yang dipilih mempunyai prestasi yang baik.

8. Apakah yang perlu saya lakukan jika saya bertukar alamat dan nombor telefon?

Adalah penting bagi anda untuk memaklumkan kami tentang sebarang perubahan dalam maklumat anda bagi memastikan semua surat-menyurat dapat disampaikan kepada anda tepat pada masanya.

9. Di manakah boleh saya mendapatkan maklumat lanjut?

Jika anda memerlukan informasi tambahan mengenai Insurans Berkaitan Pelaburan, sila rujuk buku panduan insuranceinfo tentang "Insurans Berkaitan Pelaburan", yang boleh didapati di semua cawangan kami atau dapatkan daripada ejen anda atau melayari laman web www.insuranceinfo.com.my.

Jika anda mempunyai sebarang pertanyaan, sila hubungi kami di:

Tokio Marine Life Insurance Malaysia Bhd.
Ground Floor, Menara Tokio Marine Life
189, Jalan Tun Razak,
50400 Kuala Lumpur.
Tel: 03-2059 6188
Faks: 03-2162 8068
E-mel: customercare@tokiomarinelife.com.my

10. Jenis perlindungan lain seumpamanya yang disediakan

Sila tanya kami/ ejen anda untuk pelan yang seumpama.

MAKLUMAT PENTING:

INI MERUPAKAN PRODUK INSURANS YANG DIKAITKAN DENGAN PRESTASI ASET-ASET PELABURAN DAN BUKAN SEJENIS PRODUK PELABURAN TULEN SEPERTI UNIT AMANAH SAHAM. ANDA MESTI MENILAI PILIHAN ANDA DENGAN TELITI DAN BERPUAS HATI BAHAWA PELAN BERKAITAN PELABURAN YANG DIPILIH DAPAT BERSEBUAIAN DENGAN RISIKO ANDA, DAN ANDA MAMPU MEMBAYAR PREMIUM SEPANJANG TEMPOH POLISI. UNTUK MENINGKATKAN NILAI PELABURAN PADA BILA-BILA MASA, ANDA DINASIHATKAN SUPAYA MEMBAYAR PREMIUM TAMBAHAN SEBAGAI 'TOKOKAN'. PULANGAN DARI DANA BERKAITAN PELABURAN ADALAH TIDAK DIJAMIN.

Pelan insurans ini diunderait oleh Tokio Marine Life Insurance Malaysia Berhad (457556-X), sebuah Syarikat yang dilesenkan di bawah Akta Perkhidmatan Kewangan 2013 dan dikawal selia oleh Bank Negara Malaysia.

RHB Bank Berhad (6171-M) ialah pengedar pelan insurans ini dan beralamat di RHB centre, Jalan Tun Razak, 50400 Kuala Lumpur.

Maklumat yang disediakan dalam risalah pendedahan ini adalah sah pada 12/10/2018 .